

18. oktober

UKA2018/46

Ingerlatseqatigiiffimmik Namminersorlutik Oqartussat aalajangiisuusumik sunniuteqarfigisaanik aatsitassanut suliniutinik pilersaarusiormik qalluinnermillu siunertaqartumik pilersitsinissaq pillugu Naalakkersuisut kingusinnerpaamik UPA2020-mut nassuiaammik saqqummiussinisaat pillugu Inatsisartunut aalajangiiffigisassatut siunnersuut. Nassuiaammi ilanngullugu ingerlatseqatigiiffimmut aningaasalersueriaatsit piginneqatigeeriaatsillu ilanngunneqarnissaannik Naalakkersuisut kissaateqarfigineqarput. Nassuiaammissaaq aatsitassanut suliniutinut qanoq annertussusilinnut ingerlateqatigiiffiup aningaasalersuinissaanik piviusunngortitsinissaanullu siunnerfikerneqarnissaa ilanngullugu eqqarsaatigineqassaaq.

(Inatsisartuni ilaasortaq Aqqaluaq B. Egede, Inuit Ataqtigiit)

Siumumiit inatsisartunut ilaasortap Aqqaluaq B. Egedep inatsisartunut aalajangiiffigisassatut siunnersuutaanut, aatsitassarsiortumik ingerlatseqatigiiffimmik pilersitsisinnaanerup misissorneqarnissaa pillugu imalimmut, imaattumik oqaaseqaateqassaagut:

Siumumiit pingaartitaraarput nunatsinni pisuussutit uumaatsut uumassusillillu, nunatsinnut inuinullu annertunerpaaffissaanik iluanaarutaasumik atorneqartarnissaat. Inuiaqatigiit pigaat aammalu pissusissamisoorpoq iluanaarutigissagunikkit. Tamannali isumaqarunanngilaq nunatta kisermaassilluni ingerlatsineratigut imaluunniit nammineq aningaasaliinerup kinguneranik ajutooratarsinnaanermik annertuumik tigusinikkut aaqqiisinnaasugut.

Siunnersuut qulequttamigut ammasupilussuuvoq aammalu ilimaginngilarpullu AC-p ataatsip ukiup ataatsip iluani sulineratigut qulequtaq taama ammatigisoq ersarissaanerumik nassuiaasiorfigineqarsinnaassanersoq.

Siumumiit naalakkersuisut pisariaqavinnerani kisimi akuleruttarnissaat kissaatigaarput. Taamaattumillu aallartisaasut inuiaqatigut tapersersortarnissaat unammillernissaanniit kissaatigineruorput.

Naggataatigut oqaatigissavarput nuannaarutigigatsigu aatsitassarsiortiiit aallarterminalermata.

Taama oqaaseqarluta aalajangiiffigisassatut siunnersuut taama isikkoqartillugu itigartitsissutigaarput.

Oqallilluarisilu

Mala Høy Kúko, Siumut